



## Aninis won angangen pekin health ese nonnopok me non ekkewe community

Mei chommong mettoch nukun ewe medical system mei osukosuka nonnomwun ach health, seni pusin neotoch me pwan nikinikin ach taisoni inisich ngeni pwan nonnomwun neniach me ach toureoch ngeni ekkewe mongo mei chok minafo. Osupwangan, angangen nifinifin ngeni aramas mei fis ren iei me pwan non ekkewe fansoun non ach iei system wewen pwe chommong aramas ese wor an epwe nonnopok mecheresin ar tour ngeni sokkun aninis minne epwe tongeni anisir ar repwe pochokun—usun ren green space, mecheresin angang, me sein uwou aramas. Ena mei tongeni fori an epwene wor sakofesen non met mei fis ren pekin health ngeni aramas me chochon non ekkewe neni, ewe a tik non pwe ese nonnopok angangen pekin health.

Non 2020, Kepina Brown a wau pworousan pwe mei mochen epwe angang ngeni fan iten Oregon an epwe awesano ewe angangen pekin health ese nonnopok ngeni non 2030. Ren an epwe anisi ei omwokut, ewe Anepwungun Oregon a passini ewe House Bill House Bill 3353, ewe mei aucheani pwe ekkewe CCO repwe:

- anapano nounou moni won sokkun prokram me angangen aninis minne epwe eochueno an epwe nonnopok angangen pekin health, *me pwan*
- epwe wor ar repwe fori wiiser ngeni ekkewe aramas ir mei angang ngenir.

Iwe pwan, Oregon a fen forata ew auchean omwokut nap seni pwan ekkach state pwokiten ewe model ren CCO. Me nukun an ewe nussun moni mei wor anisian ngeni ewe pwachet an federal me state, ei anapanapen angang epwe tongeni fori pwe aninis epwe kawor me non ekkewe community epwe anapano an epwe nonnopok angangen pekin health.

## Anapanapen angang minne epwe tongeni wor watten aninisin moni ngeni ekkewe community

### Angangen Investment non Community

An epwe anisi ewe angangen pekin health ese nonnopok, Oregon mei menei an epwe ngeni ekkewe community ar pochokun me aninisin nongonong. Ew anen ar repwe fori ei iwe repwe awora monien ew minafon Community Investment Collaboratives (CICs). Ewe CICs epwe finata menni sokkun osukosuk me auchea repwe nenengeni akkoum me pwan ifan usun nounoun ewe aninis an epwe tongeni ekisano ewe angangen pekin health ese nonnopok. Awewe chok, ekkoch community mei tongeni repwe fianta ar repwe nenengeni ewe osukosuken climate change, fori pwe ekkewe chon nounou OHP ir mei tour ngeni ekkewe imwen suu ngeni nge epwe wor ar repwe tongeni pusin tumwunuw fetanin ewe tempuchu non fansoun watten pwichikar, iwe nge ekkoch mei tongeni ar repwe awora monien aninis ren an aramas repwe suu seni imwer kewe fansoun epwe wor watten kar. Ekkoch community mei tongeni ar repwe nenengeni met epwe anisi an

---

*“Me pwan ion epwe tongeni apasa met osupwangan ekkewe community me nukun ewe community?”*

*-An OHA Anapanapen Kokkot ren memef seni community*

---

epwe eochuno aninis ren pekin mental health ika kaworen pekin tumwunun semirit epwe mecheres ngenir niwinin.

### Anonga kokkot won ewe angangen nonnopok


Oregon mei angang ngeni an epwe eukatiw ewe angangen pekin health ese nonnopok ngeni non 2030. Ren an epwe tongeni pwonueta ei ekiek, ekkewe CIC repwe anongo ar kokkot won aramas me ekkewe community ir ra fen piin mefi weiresin me mwan pwan tori iei ewe angangen pekin health ese nonnopok, pachenong nge ese pwan kouk ren:

- Ekkewe tiuw einang mei fat meren federal me ekkewe Tribal community non Oregon;
- Community ren Latino/a/x
- Community ren Mei Chon/African American
- Community ren Chon Asia
- Chon Fonuen non Pacific me Chon American Indian/Alaska Native,
- pwan ekkoch community ren ekkewe mei sakono unucher;
- aramas mei wor tufichingawen inisir;
- aramas mei naffangaw ar tufichin kapas non Foosun Merika; me
- community ren chon etto nonom won ei fonu me chon suu seni fonuwer

### Ifa usun an Oregon epwe moni we angangen aninis ren Community Investment Collaborative

Ewe Community Investment Collaboratives epwe ruuw an anen moni tonong:

1. **monien aninis seni State-federal:** Ei moni epwe feito seni state an epwe anisi ekkewe project an CIC.
2. **pwachet an CCO:** Ika pwe ewe mwuun federal mei wau mwumwutan, ekkewe CCO repwe pwan fori ar repwe nounou fitu pessen me non ar iwe pwachet an epwe anisi ewe ekkewe CIC



Nupwen CICs a fèruta, ra tongeni tufichin neuneu ekkewe mwonien aninnis fan iten angangen kut neur chon angang me mwonien ar epwe tufichin omwokutu ar kewe angang, me pwenuta ar repwe trainini neur chon

angang, me monien anninis ren ewe "aninis ren nonnopokun angangen pekin health" an epwe euchueno ewe angangen health epwe nonnopok me non ar kewe community

## **Met wewen ekkei ngeni ekkewe chon fiti ewe OHP**

Chon fiti OHP me pwan ekkoch aramas ese nifinifin ion mei feito seni ekkewe mwiich ir ra fen piin mefi weiresin me non ekkewe fansoun tori iei ewe angang ese pwung me nifinifin ir repwe mefi sakonon angangen pekin health me pwan kuna sapwonon an ekkewe community mwokut ren ekkewe aninis ren angangen pekin health epwe nonnopok. Chon OHP repwe kuna pwe an ekkewe community pachenong non angangen finata kokkot fan iten aninis ren aninisin nongonong, ewe angangen ar repwe apochokunano ekkewe community, eochueno ar pekin health me pwan eukatiw ewe angangen pekin health ese nonnopok. Iwe pwan, chon fiti OHP, ika ekkewe organization non ekkewe community ir ra tupwunir, repwe pachenong non angangen forata ekkewe Community Investment Collaboratives non ewe state.

En mei tongeni angei ei taropwe non fosun fonuwomw, echo mei mesemmong makkan, makken braille ika met sokkun ke mochen. Atoura mefiom ngeni ewe Community Partner Outreach Prokram ikei [community.outreach@dhs.ohs.state.or.us](mailto:community.outreach@dhs.ohs.state.or.us) ika kokkorir won nampa 1-833-647-3678. Kich mei etiwa meinisin chon koko, en mei pwan tongeni kokori 711.